
**KENYA NATIONAL EXAMINATION COUNCIL
REVISION MOCK EXAMS 2016
TOP NATIONAL SCHOOLS**

**MOI GIRLS ELDORET HIGH SCHOOL
KISWAHILI
KARATASI YA 3**

SCHOOLS NET KENYA
Osiligi House, Opposite KCB, Ground Floor
Off Magadi Road, Ongata Rongai | Tel: 0711 88 22 27
E-mail: infosnkenya@gmail.com | Website: www.schoolsnetkenya.com

MOI GIRLS ELDORET KCSE TRIAL AND PRACTICE EXAM 2016

102/3

FASIHI

KARATASI YA TATU

SEHEMU YA A : USHAIRI

1. Swali la Lazima.

Soma shairi hili kisha ujibu maswali yanayofuata.

Naujuwa mwanzo wake, vile ulivyochipuza,
Kilofanya mkereke, na kisichowaumiza,
Ya kuwa sepata mke, katu hakuwapendeza,
Nenani mutamaliza, yeye nampenda vivyo !

Mwasema matakao hana, yako sawa kama meza,
Tena pua yako pana, kama ya kubandika,
Lakini mimi naona, yenu sitoyasikiza,
Nenani mutamaliza, yeye nampenda vivyo !

Kipita nae pahali, sakubimbi hubwagiza,
Nzitonzito kauli, asengenywazo aziza,
Nywele za kipilipili, hasongi asongomezwa,
Nenani mutamaliza, yeye nampenda vivyo !

Munenayo ni mazito, hadi yeye humliza,
Bali kwangu ni matoto, muhali kunichukiza,
Japo miguu yeye fito, haitoshi mtembeza ?
Nenani mutamaliza, yeye nampenda vivyo !

Nataka watowa khofu, kwa munayo mtangaza,
Si yule mpenda pofu, kawambia ni kengeza,
Ni mwenyewe nimeshufu, muhali kunigeuza,
Nenani mutamaliza, yeye nampenda vivyo !

Tafadhalini mwachie, musilumbe kumaliza,
Unyonge musitumie, kila siku kumaliza,
Haya ni yeye na mie, yawaje mukachagiza,
Nenani mutamaliza, yeye nampenda vivyo !

Hakujiumba mwenyewe, musighafilike wenza,
Aloumba mimi nawe, ndiye aliyemtweza,
Tusijitie kiwewe, tukakufuru muweza,
Nenani mutamaliza, yeye nampenda vivyo !

Maswali

- a) Eleza bahari za shairi hili kwa kutoa ithibati kamili (alama 3)
b) Kwa kutoa mifano mwafaka, eleza methali zozote mbili kwenye shairi (alama 4)
c) Bainisha mambo yoyote manne nafsini anayazungumzia (alama 4)
-

- d) Fafanua idhini ya mshairi (alama 4)
e) Andika ubeti wa tatu kwa lugha tutumbi (alama 3)
f) Eleza maana za vifungu hivi kama vilivyotumika kwenye shairi
(i) Sakubimbi hubwagiza (alama 1)
(ii) Musighafilike wenza (alama 1)

SEHEMU YA B : RIWAYA

Said A. Mohamed : *Kidagaa Kimemwozea*

Jibu swali la 2 au la 3

2. 'Alaa ! Mtoto mdogo hata ubwabwa haujakutoka shingoni unakimbilia nini..... ?'
a) Eleza muktadha wa dondoo hili (alama 4)
b) Bainisha tamathali mbili za usemi katika dondoo. (alama 2)
c) Kwa kutoa mifano mitatu, onyesha kwamba kwa hakika ubwabwa ulikuwa umemtoka shingoni anayerejelewa (alama 6)
d) Asasi inayorejelewa katika muktadha huu inakumbwa na matatizo mengi. Kwa kurejelea riwaya nzima, jadili matatizo yoyote manne kwa mifano mwafaka (alama 8)
3. Kifo cha Uhuru ni jazanda ya hali ya mambo katika jumuiya ya kidagaa kimemwozea. Thibitisha. (alama 20)

SEHEMU YA C : TAMTHILIA

T. Arege : *Mstahiki Meya*

Jibu swali la 4 au 5

4. • • •Nashukuru sasa umeanza kuona mambo yanavyostahili kuenda.
a) Eleza muktadha wa dondoo hili (alama 4)
b) Fafanua sifa za msemaji (alama 4)
c) Eleza umuhimu wa msemewa (alama 4)
d) Jadili jinsi maudhui yoyote manne yanayodokezwa katika dondoo yanavyojitokeza katika tamthilia nzima (alama 8)
5. Tamthilia ya Mstahili Meya ni kiakisi cha mataifa ya ulimwengu wa tatu. Jadili (alama 20)

SEHEMU YA D : HADITHI FUPI

K. Walibora na S.A. Mohamed : *Damu Nyeusi na Hadithi Nyingine*

Jibu swali la 6 au 7

6. Huku ukitoa mifano maridhawa, onyesha jinsi wanawake wamesawiriwa katika Diwani ya Damu Nyeusi kwa kurejelea hadithi zozote tano.
7. '.....Nimegundua amekuwa akininyima uzuri wa mandhari ya makaburini siku zote hizi.'
a) Eleza muktadha wa dondoo (alama 4)
b) Tambua mbinu ya lugha inayojitokeza katika dondoo hili (alama 1)
c) Huku ukirejelea diwani ya Damu Nyeusi, onyesha jinsi mbinu hii ilivyotumiwa katika hadithi zozote tano (alama 15)

SEHEMU YA E : FASIHI SIMULIZI

8. a) Eleza maana ya maigizo (alama 2)
b) Fafanua dhima tano za michezo ya chekechea (alama 10)
c) Eleza sifa nne za mivigha (alama 8)